

摘藻堂四庫全書薈要

集部

欽定四庫全書薈要卷一萬七千六百八十一

集部

御定全唐詩卷二百七十六

盧綸

盧綸字允言河中蒲人大歷初數舉進士不第元載取其文以進補閬鄉尉累遷監察御史輒稱疾去坐與王綰善久不調建中初為昭應令渾瑊鎮河中辟元帥判官累遷檢校戶部郎中貞元中舅韋渠牟表其才驛召之會卒集十卷今編詩五卷

送惟良上人歸江南

一作郢上人

落日映危檣歸僧向岳陽注瓶寒浪靜讀律夜船香苦

霧沈山影陰靈

一作霞

發海光羣生一何負多

一作臨

病禮

別一作鑒王

送韓都護還邊

好勇知名早爭雄上將間戰多春入塞獵慣夜登

一作燒

山陣合龍蛇動軍移草木閒今來部曲盡白首過蕭關

送吉中孚校書歸楚州舊山

中孚自仙官入仕

青袍芸閣郎談笑挹侯王舊錄藏雲穴新詩滿帝鄉名

高閒不得到處人爭識誰知冰雪顏已雜風塵色此去

復如何東粵岐路多藉芳一作茅臨紫陌回首憶一作望滄

波年來倦蕭索但說淮南樂並檝湖上一作中遊連檣月

中一作下泊沿溜一作流入閭一作閭門千燈夜市喧喜逢

鄰舍伴遙語問鄉園下淮風自急樹杪分郊邑送客隨

岸行離人出帆一作船立漁村繞水田澹澹一作浦隔晴煙

欲就林中醉先期石上眠林昏天未曙但向雲邊去暗



入無路山心知有花處登高日轉明下望見春城洞裏  
草空長塚邊人自耕寥寥行異境過盡千峰影露色凝  
古壇泉聲落寒井仙成不可期多別自堪悲為問桃源  
客何人見亂時

一本此篇分作  
絕句十一首

送姨弟裴均尉諸暨

此子先君元  
相舊判官

相悲得成長同是外家恩舊業廢三畝弱年成

一作一  
承

門城開山日早吏散渚禽喧東閣謬容止予心君異言

送鄧州崔長史

出山車騎次諸侯坐領圖書見督郵遶郭桑麻通浙口  
滿川風景接襄州高城鳥過方催夜廢壘蟬鳴不待秋  
聞說元規偏愛月知君長得伴登樓

送鹽鐵裴判官入蜀

傳詔收方貢登車著賜衣  
權商蠶客富稅地芋田肥  
雲白風雷歇林清洞穴稀  
炎涼君莫問見即在忘歸

送魏廣下第歸揚州

楚鄉雲水內春日衆山開  
淮浪參差起江帆次第來  
獨

歸初失桂共醉忽停杯漢詔年年有何愁掩上才

送潘述應宏詞下第歸江南

愁與醉相和昏昏竟若何感年懷闕久失意夢鄉多雨裏行青草山前望白波江樓覆棋好誰引仲宣過

送從舅成都縣丞廣歸蜀

褒谷通岷嶺青冥此路深晚程椒瘴熱野飯荔枝陰古郡三刀夜春橋萬里心唯應對楊柳暫醉卓家琴

送宋校書赴宣州幕

南想宣城郡清江野戍開艤舫高映浦睥睨曲隨山名  
寄圖書內威生將吏間春行板橋暮應伴庾公還

送李縱別駕加員外郎却赴常州幕

霄漢正聯飛江湖又獨歸暫歡同賜被不待易朝衣山  
雨迎軍晚蘆風候火微還當宴鈴閣謝守亦光輝

送元贊府重任龍門縣

二職亞陶公歸程與夢同柳垂平澤雨魚躍大河風混  
跡威長在孤清志自雄應嗤向隅者空寄路塵中

送黎燧尉陽翟

玉貌承嚴訓金聲稱上才  
列筵青草偃驟馬綠楊開  
潘縣花添發梅家鶴暫來  
誰知望恩者空逐路人回

送丹陽趙少府

即給事中  
涓親弟

恭聞林下別未至亦霑裳  
荻岸雨聲盡江天虹影長  
佩韋宗嬾慢偷摘愛芳香  
遙想從公後稱榮在上堂

送菊潭王明府

組綬掩哀顏輝光里第間  
晚涼一作涼宵經灞水清晝入商

山行境逢花發彈琴見鶴還  
唯應理農後鄉老賀君閒  
送陳明府赴萍縣

素舸載陶公南隨萬里風  
梅花成雪嶺橘樹當家僮  
祠掩荒山下田開野荻中  
歲終書善績應與古碑同

送申屠正字往湖南迎親兼謁趙和州因呈上  
侍郎使君并戲簡前歷陽李明府

曉月朧朧

一作朧

映水闌水邊因到歷陽山  
千艘財

一作物

貨朱橋下一曲問閭青  
荻間坦腹定逢潘令醉  
上樓應

伴庾公間歡餘若問南行計知念天涯負米還

送李尚書郎君昆季侍從歸覲滑州

鳳雛聯翼美王孫綵服戎裝擬塞垣金鼎對筵調野膳  
玉鞭齊騎引行軒冰河一曲旌旗滿墨詔千封雨露繁  
更說務農將罷戰敢持謠頌慶晨昏

送張調參軍侍從歸覲荆南因寄長林司空十

四曙

得潛字

玉勒侍行檐郤超未有髯守儒輕獵騎一作獵承誨訪沈

潛雲勢將峰雜江聲與嶼兼還當見王粲應念二毛添  
送馬尚書郎君侍從歸覲太原

玉人垂玉鞭百騎帶橐鞬從賞野郵靜獻新秋果鮮塞  
屯豐雨雪虜帳失山川遙想稱觴後唯當共被眠

送張成季往江上賦得垂楊

垂楊真可憐地勝覺春偏一穗雨聲裏千條池色前露  
繁光的皪日麗影團圓若到隋隄望應逢花滿船

送陝府王司法



東門雪覆塵出送陝城人粉郭朝喧市朱橋夜掩津上  
寮應重學小吏已甘貧謝朓曾為掾希君一比鄰

送太常李主簿歸覲省

粲粲美仍都清閒一貴儒定交分玉劒發詠寫冰壺風  
景隨台位河山入障一作陣圖上堂多慶樂肯念谷中愚

送從叔程歸西川幕

千山冰雪晴山靜錦花明羣鶴棲蓮府諸戎拜柳營浪  
依巴字息風入蜀關清豈念在貧巷竹林鳴鳥聲

送萬巨

把酒留君聽琴難堪歲暮離心霜葉無風自落秋雲不  
雨空陰人愁荒村路細馬怯寒溪水深望斷一作盡青山  
獨立更知何處相尋

途中遇雨馬上口號留別張劉二端公

陰雷慢轉野雲長駿一作驄馬雙嘶愛雨涼應念龍鍾在

泥滓一作客欲摧肝膽事王章一作君王

送夔州班使君

曉日照樓船三軍拜峽前白雲隨浪散青壁與城連萬

嶺岷峨雪千家橘柚川還知楚

一作如赴

河內天子許經年

送從舅成都丞廣

一本有南字

歸蜀

一作李端詩

巴字天邊水秦人去是歸棧長山雨響溪亂火田稀俗  
富行應樂官雄祿豈微魏舒終有淚還識甯家衣

無題

第七句缺

耻將名利託交親只向尊前樂此身才大不應成滯客  
時危且喜是閒人高歌猶愛思歸引醉語惟誇漉酒巾

豈能偏遣老風塵

題念濟寺

靈空聞偈夜清淨雨裏花枝朝暮開故友一作里九泉留

語別逐臣千里寄書來

河口逢江州朱道士因聽琴

廬山道士夜攜琴映月相逢辨語音引坐霜中彈一弄  
滿船商客有歸心

送夏侯校書歸華陰別墅

山前白鶴村竹雪覆柴門候客定為黍務農因燎原乳  
冰懸暗井蓮石照晴軒貴酒鄰里睦曝衣一作禾場圃喧  
依然望君去余性亦一作何昏

送絳州郭叅軍

炎天故絳路千里麥花香董澤雷聲發一作晚汾橋水氣

涼府趨隨宓賤野宴接王祥送客今何幸經宵醉玉堂

中書舍人李座上送潁陽徐少府

潁陽春色似河陽一望繁花一縣香今日送官一作君君

最恨可憐才子白鬚長

與從弟瑾同下第後出關言別

同作金門獻賦人二年悲見故園春  
到關不沾新雨露還家空帶舊風塵

雜花飛盡柳陰陰官路逶迤綠草深  
對酒已成千里客望山空寄兩鄉心

出關愁暮一沾裳滿野蓬生古戰場  
孤村樹色昏殘雨遠寺鐘聲帶夕陽

誰憐苦志已三冬却欲躬耕學老農  
流水白雲尋不盡期君何處得相逢

赴虢州留別故人

世故相逢各未閒百年多在別離間  
昨夜秋風今夜雨不知何處入空山

冬夜贈別友人

愁聽千家流水聲相思獨向月中行  
侵堦暗草秋一作冬又

作寒霜重遍一作遠郭寒山夜月明  
連年客舍唯多病數畝

田園又廢耕更送乘軺歸上國應憐貢禹未成名

送顧秘書獻書後歸岳州

黃葉落不盡蒼苔隨雨生當軒置尊酒送客歸江城竹  
裏聞機杼舟中見弟兄岳陽賢太守應為改鄉名

送衛司法河中覲省

即故王吏部  
延昌外甥

出身因強學不以外家榮年少無遺事官閒有政聲曉  
山臨野渡落日照軍營共賞高堂下連行弟與兄

送從叔牧永州



五侯軒蓋行何疾零陵太守登車日零陵太守泪盈巾  
此日長安方欲春虎符龍節照岐路何苦愁為江海人  
彼方韶景無時節山水諸花恣開發客投津戍少聞猿  
鴈過瀟湘更逢雪郡齋無事好閒眠秔稻油油綠滿川  
浪裏爭迎三蜀貨月中喧泊九江船今朝小阮同夷老  
欲問明年一作君借幾年

送趙真長歸夏縣舊山依陽徵君讀書

臨杯忽泣然非是惡離弦塵陌望松雪我哀君少年幽

一作  
開 僧曝山果寒鹿守冰泉感物如有待况依回也賢

留別耿漳侯釗馮著

相識少相知與君俱已衰  
笙鏞新宅第歧路古山陂  
學道功難就為儒事本遲  
惟當與漁者終老遂其私

送渾鍊歸覲却赴闕庭

露幕擁簪裾台庭餞伯魚  
綵衣人競看銀詔帝親書  
知子當元老為臣餞二疏  
執珪期已迫捧膳步寧徐  
而我誠愚者夫君豈病諸  
探題多決勝饌玉每分餘  
榮比成

功後恩同造化初，甌塵方欲合籠駒。  
或將舒榆筴錢難，比楊花雪不如明朝古隄路。  
心斷玉人車。

送崔邠拾遺

皎潔無瑕清玉壺，曉

一作晚

乘華幃向天衢，石建每聞宗

謹孝劉歆不敢銜師儒，諫修郊廟開宸慮。  
議按休徵淺瑞圖，今日攀車復何者。  
轅門垂白一愚夫。

送渾別駕赴舒州

江平蘆荻齊，五兩貼牆低。  
遶郭覆晴雪，滿船

一作川

聞曙

雞鱸魴宜入貢橘柚亦成蹊還似海沂日風清無鼓鼙  
送從叔士準赴任潤州司士

雲起山城暮沈沈江上天風吹建業雨浪入廣陵船久  
是吳門客嘗聞謝守賢終悲去國遠淚盡竹林前

送尹樞令狐楚及第後歸覲

佳人比香草君子即芳蘭寶器金罍重清音玉珮寒貢  
文齊受寵獻禮一作醴兩承歡鞍馬并汾地爭迎陸與潘

東潭宴餞河南趙少府

十載奉戎軒日聞君子言方將賀榮爵遽乃愴離尊岸  
轉臺閣麗潭清弦管繁松篁難晦節雨露不私恩坐使  
吏相勉居為儒所尊可憐桃李樹先發信陵門

賦得館娃宮送王山人遊江東

蒼蒼楓樹林草合廢宮深越水風浪起吳王歌管沈燕  
歸巢已盡鶴語塚難尋旅泊彼何夜希君抽玉琴

送暢當還舊山

常逢明月馬塵間是夜照君歸處山山中松桂花盡發

頭白屬君如等閒

數顏魯公送挺贊歸翠微寺

挺贊惠學該儒釋袖有顏徐真草跡一齋三請紀行詩  
誚我垂鞭弄鳴鏑寺懸金榜半山隅石路荒涼松樹枯  
虎跡印雪大如斗閏月暮天過得無

送契玄法師赴內道場

昏昏醉老夫灌頂遇醍醐嬪御呈心鏡君王賜髻珠降  
魔須戰否問疾敢行無深契何相秘儒宗本不殊

送暢當赴山南幕

含情脫佩刀持以佐賢豪是月霜霰下伊人行役勞事  
將名共易文與行空高去矣奉戎律悲君為我曹

顏侍御廳叢篁詠送薛存誠

玉幹百餘莖生君此堂側拂簾寒雨響擁砌深溪色何  
事鳳皇雛茲焉理歸翼

秋晚河西縣樓送渾中允赴朝闕

高樓吹玉簫車馬上河橋歧路自奔隘壺觴終寂寥芳

蘭生貴里片玉立清朝今日台庭望心遙一作路

達奚中丞東齋壁畫山水各賦一物得樹杪懸

泉送長安趙元陽少府

素壁畫飛泉從雲落樹巔練垂疑葉響雲并覺枝一作松

偏利物得雙劍爲儒當一賢應思灑塵陌調饌亦芳鮮

送信州姚使君

朱幡一作輦徐轉候一作擁羣官猿鳥無聲郡宇寬楚國上

腴收賦重漢家良牧得人難銅鉛滿穴山能富鴻鴈連



羣一作洲

地亦寒幾日政聲聞

一作關一作開

戶外九江行旅得

相歡

送暢當

四望無極路千里流大河秋風滿離袂唯老事唯多

送史兵曹判官赴樓煩

渥洼龍種散雲時千里繁花乍別

一作合

離中有重臣承

需澤外無輕虜犯旌旗山川自與郊垌合帳幕時因水

草移敢謝親賢得瓊玉仲宣能賦亦能詩

送曇延法師講罷赴上都

金縷袈裟國大師能銷壞宅火燒時復來擁膝說無住  
知向人天何處期

送道士郗曇素歸內道場

病老正相仍忽逢張道陵羽衣風淅淅仙貌玉稜稜  
我問中壽教人祈上昇樓居五雲裏幾與武皇登

賦得彭祖樓送楊德宗歸徐州幕

四戶八窗明玲瓏逼上清外欄黃鵠下中柱紫芝生每

帶雲霞色時聞簫管聲望君無有月幢蓋儼層城

送錢從叔辭豐州幕歸嵩陽舊居

白鬚宗孫侍坐時願持壽酒前致詞鄙詞何所擬請自  
邊城始邊城貴者李將軍戰鼓遙疑天上聞屯田布錦  
周千里牧馬攢花溢萬羣白雲本是喬松伴來遶青營  
復飛散三聲畫角咽不通萬里蓬根一時斷豐州聞說  
似涼州沙塞清明部落稠行客已去依獨戍主人猶自  
在高樓夢親旌旆何由見每阻一作清風一回面洞裏

先生那怪遲人天無路自無期砂泉丹井非同味桂樹  
榆林不並枝吾翁致身殊得計地仙亦是三千歲莫著  
戎衣期上清東方曼倩逢人輕

送靜居法師

五色香幢重復重寶輿升座發神鐘蒼筤名花飄不斷  
醍醐法味灑何濃九天論道當宸眷七祖傳心合聖蹤  
願比靈山前世別多生還得此相逢

送劉判官赴豐州

一作赴  
天德軍

銜杯吹急管滿眼起風砂大漠山沈雪長城草發花策  
行須恥戰虜在莫言家余亦祈勲者如何別左車

將赴京留獻令公

沙鶴驚鳴野雨收大河風物颯然秋力微恩重諒難報  
不是行人不解愁

落第後歸山下舊居留別劉起居昆季

寂寞過朝昏沈憂豈易論有時空卜命無事可酬恩寄  
食依鄰里成家望子孫風塵知世路哀賤到君門醉裏

因多感愁中欲強言花林逢廢井戰地識荒園悵別臨  
晴野悲春上古原鳥歸山外樹人過水邊村潘岳方稱  
老嵇康本厭喧誰堪將落羽迴首仰飛翻

將赴閩鄉灞上留別錢起員外

暖景登橋望分明春色來離心自惆悵車馬亦裴回遠  
雪和霜積高花占日開從官竟何事憂患已相催

虢州逢侯釗同尋南觀因贈別

時居  
停務

相見翻惆悵應憐責廢官過深慙祿在識淺賴刑寬獨

失耕農業同思弟姪歡哀貧羞客過早束會君難放鶴  
登雲壁澆花遠石壇興還江海上跡在是非端林密風  
聲細一作結山高雨色一作氣寒悠然此中別賓僕亦闌干

珊一作

赴池州拜謁舅氏留上考功郎中舅

時舅氏初  
貶官池州

孤賤易蹉跎其如酷似何衰榮同族少生長外家多別  
國桑榆在沾衣血淚和應憐失行鴈霜霰寄煙波

送從姪滁州謁省

愛爾似龍媒翩翩千里迴書從外氏學竹自晉時栽擁  
棹逢鷗舞憑闌見雨來上堂多慶樂不醉莫停杯

奉和聖製麟德殿宴百寮

雲闕

一作闕

御筵張山呼聖壽長玉欄豐瑞草金陛立神

羊台鼎資庖膳天星奉酒漿蠻夷陪作位犀象舞成行  
網已祛三面歌因守四方千秋不可極花發滿宮香

和考功王員外杪秋憶終南舊居

一作和大理裴卿杪秋憶

山下舊居一作岑

參詩一作常衮詩



靜憶溪邊宅知君許謝公曉霜凝未耜初日照梧桐澗  
鼠喧藤蔓山禽竄石藁白雲當嶺雨黃葉遶堦風野果  
垂橋上高泉落水中懽榮來自間羸賤賞一作曾一作難

同月滿珠藏海天晴鶴在籠餘陰如可寄願得隱牆東

訓暢當尋嵩岳麻道士見寄

聞逐樵夫閒看棋忽逢人世是秦時開雲種玉嫌山淺  
渡海傳書怪鶴遲陰洞石牀一作幢微有字古壇松樹半

無枝煩君遠示青囊錄願得相從一問師

訓李端長安寓居偶詠見寄

一本作酬暢當尋  
嵩山麻道士見寄

第二首

自別前峯隱同爲外累侵幾年親酒會此日有僧尋  
稼功還棄論邊事亦沈衆歡徒滿目專愛久離心覽鬢

絲垂鏡彈琴

一作  
弦

汨灑襟

一作  
琴

訪田悲洛下寄宅憶山

陰薄溜漫青石橫雲架碧林壞簷藤障密哀菜

一作  
棟

棘

籬深流散俱多故憂傷併在今唯當竢高躅歸止共抽

簪

和常舍人晚秋集賢院即事十二韻寄贈江南

徐薛二侍郎

綸閣九重前森沈綵

一作綺

仗連洞門開旭日清禁肅秋

天霜滿朝容脩鐘餘漏

一作曉

唱傳搖璫陪羽扇端弁入

爐煙麟筆刪金篆龍綃薦玉編汲書荀勗定漢史蔡邕

專御竹潛通筍宮池暗瀉泉亂蕤紫弱蕙墜葉灑枯蓮

列署齊遊日重江並謫年登封思議草侍講憶同筵滄

海風濤廣黜山瘴雨偏唯應緘上寶贈遠一呈妍

訓苗員外仲夏歸郊居遇雨見寄

雷響風仍急人歸鳥亦還  
亂雲方至水驟雨已喧  
山田鼠依林上池魚戲草間  
因茲屏一作高比埃霧一詠一開顏

和太常王卿立秋日即事

嵩一作山

高雲日明潘岳賦初成  
籬槿花無色堦桐葉有

聲絳紗垂簾淨白羽拂衣輕  
鴻鴈悲天遠龜魚覺水清  
別弦添楚思牧馬動邊情  
田雨農官問林風苑吏驚  
松

篁終茂盛

一作盛茂

蓬艾自衰榮遙仰憑軒夕  
惟應喜

一作善一

作  
宋生



御定全唐詩卷二百七十六

欽定四庫全書

總校官庶吉士臣張能照

校對官中書臣張塤

膳錄貢生臣張映杓

膳錄監生臣周嘉猷

欽定四庫全書薈要

集部

御定全唐詩卷二百

七十七至  
八十

欽定四庫全書薈要卷一萬七千六百八十二

集部

御定全唐詩卷二百七十七

盧綸

和李使君三郎早秋城北亭樓宴崔司士因寄  
關中弟張評事時遇



黃花古城路上盡見青山桑柘晴川口牛羊落照間野  
情隨卷幔軍士

一作事

隔重關道合偏多賞官微獨不閒

鶴分琴久罷書到鴈應還為謝登龍客瓊枝寄一攀



和趙端公九日登石亭上和州家兄

洛浦想江津悲懽共此辰採花湖岸菊望國舊樓人鴈  
別聲偏苦松寒色轉新傳書問漁叟借冠爾何因

酬趙少尹戲示諸姪元陽等因以見贈

八龍三虎儼成行瓊樹花開鶴翼張且請同觀舞鸚鵡  
何須竟哂食檳榔歸時每愛懷朱橘戲處常聞佩紫囊  
謬入阮家逢慶樂竹林因得奉壺觴

奉和戶曹叔夏夜寓直寄呈同曹諸公并見示

歛板奉清詞恭聞侍直時暮塵歸衆騎邃宇捨諸司華  
月先燈至清風與簾隨亂螢光熠熠行樹影離離龍臥  
人寧識鵬搏鷃豈知便因當五夜敢望竹林期

和金吾裴將軍使往河北宣慰因訪張氏昆季  
舊居兼寄趙侍郎趙卿拜陵未迴

飛軒不駐輪感激漢儒臣氣懾千夫勇恩傳萬里春古  
原收野燎寒笛怨空鄰書此達良友五一作杜陵風雨頻

和太常李主簿秋中山下別墅即事

清秋來幾時宋玉已先知曠朗霞映竹澄明山滿池葺  
橋雙鶴赴一作起收果衆猿隨韶樂方今奏雲林徒蔽虧

訓韋渚秋夜有懷見寄

蕭條良夜永秋草對衰顏露下鳥初定月明人自閒獨  
悲無舊業共喜出時艱為問功成後同遊何處山

同吉中孚夢桃源

春雨夜不散夢中山亦陰雲中碧潭水路暗紅花林花  
水自深淺無人知古今

夜靜春夢長夢逐仙山客園林滿芝朮雞犬傍籬柵幾  
處花下人看予笑頭白

同柳侍郎題侯釗侍郎新昌里

一作訓侯釗侍郎春日見寄

清源君子居左右盡

一作滿

圖書三逕春自足一瓢歡有

餘庭莎成野席蘭藥是家蔬幽顯豈殊迹昔賢徒病諸  
訓孫侍御春日見寄

經過里巷春同是謝家鄰顧我覺衰早荷君留醉頻松  
高猶覆草鶴起暫縈塵始悟達人志患名非患貧

和王員外冬夜寓直

高步長裾錦帳郎居然自是漢賢良  
潘岳叙年因鬢髮揚雄託諫在文章  
九天韶樂飄寒月萬戶香塵裊曉  
夜霜坐見重門儼朝騎可憐雲路獨翱翔

一作

訓金部王郎中省中春日見寄

南宮樹色曉森森雖有春光未有陰  
鶴侶正疑芳景引玉人那為簿書沈  
山含瑞氣偏當日鶯逐輕風不在林  
更有阮郎迷路處萬株紅樹一溪深

奉和陝州十四翁中丞寄雷州二十翁司戶

聯飛獨不前迴落海南天賈傳竟行矣邵公唯泣然瘴  
開山更遠路極水無邊沈劣本多感况聞原上篇

和李中丞訓萬年房署少府過汾州景雲觀因  
以寄上房與李早年同居此觀

顯晦澹無迹賢哉常晏如如何警孤鶴忽乃傳雙魚叙  
以泉石舊悵然風景餘低回青油幕夢寐白雲居玉洞  
桂香滿雪壇松影疎沈思矚仙侶紆組正軍書積學早

成道感恩難遂初梅生諒多感歸止豈吾一作廬

訓陳翊郎中冬至攜柳郎實郎歸河中舊居見

寄

三旬一休沐清景滿林廬南郭羣儒從東牀兩客居燒

一作晨煙浮雪野麥隴潤冰渠班白皆持酒蓬茅盡有書

終期買寒渚同此利蒲魚

訓李益端公夜宴見贈

戚戚一西東十年今始同可憐歌酒夜相對兩哀翁

和陳翊郎中拜本府少尹兼侍御史獻上侍中  
因呈同院諸公

金印垂鞍白馬肥不同疏廣老方歸三千士裏文章伯  
四十年来錦繡衣節比青松當澗直心隨黃雀繞簷飛  
鄉中賀者唯爭路不識傳呼獬豸威

和王倉少尹暇日言懷

清秋多暇日况乃是夫君習靜通仙事書空閱篆

一作錄

文劒飛終上漢鶴夢不離雲無限煙霄路何嗟迹未分



和崔侍郎遊萬固

一作寺同

聞說中方高樹林，曙華先照轉春禽。  
風雲才子治遊思，蒲柳老人惆悵心。  
石路青苔花漫漫，雪簷垂溜玉森森。  
賀君此去君方至，河水東流西日沈。

和裴延齡尚書寄題果州謝舍人仙居

飄然去謁八仙翁，自地從天香滿空。  
紫蓋迴標雙鶴上，語音猶一作遙在五雲中。  
青溪不接漁樵路，丹井唯傳草木風。  
歌此因思捧金液，露盤長慶漢皇宮。

訓崔侍御早秋卧病書情見寄時君亦抱疾在

假中

擲地金聲信有之，瑩然冰玉見清詞。  
元凱癖成官始貴，相如渴甚貌逾衰。  
荒園每覺蟲鳴早，華館常聞客散遲。  
寂寞罷琴風滿樹，幾多黃葉落蛛絲。

訓靈澈上人

一作口號戲贈靈澈上人時奉事入城

軍人奉役本無期，落葉

一作葉落

花開總不知，走馬城中頭

雪白若為將，面見湯師。

敬訓大府二十四舅覽詩卷因以見示

却公憐憫亦憐愚  
忽賜金盤徑寸珠  
徹底碧潭滋潤溜  
壓枝紅豔照枯株  
九門洞啓延高論  
百辟聯行挹大儒  
顧己文章非酷似  
敢將幽劣俟洪爐

雨中酬友人

看山獨行歸竹院  
水遶前堦草生遍  
空林細雨暗一作明暗  
寂無聲唯有愁心兩相見

訓人失題

孤鷺將鶴羣晴日麗

一作  
淚

春雲何幸晚飛者清音長此

聞

哭司農苗主簿

原頭殯御遶新塋原下

一作  
上

行人望哭聲更想秋山連

古木唯應石上見君名

得耿漳司法書因叙長安故友零落兵部苗員

外發祕省李校書端相次傾逝潞府崔功曹峒

長林司空丞曙俱謫遠方余以搖落之時對書

增歎因呈河中鄭倉曹暢參軍昆季

鬢似哀蓬心似灰驚悲相集老相催故友九泉留語別  
逐臣千里寄書來塵容帶病何堪問淚眼逢秋不喜開

幸接野居宜屣

一作縱

步異君清夜

一作論一作夢

一申哀

同兵部李紆侍郎刑部包佶侍郎哭皇甫侍御  
曾

攀龍與泣麟哀樂不同塵九陌霄漢侶一燈冥漠人舟  
沈驚海闊蘭折怨霜頻已矣復何見故山應更春

綸與吉侍郎中孚司空郎中署苗員外發崔補  
闕峒耿拾遺漳李校書端風塵追遊向三十載  
數公皆負當時盛稱榮耀未幾俱沈下泉暢博  
士當感懷前蹤有五十韻見寄輒有所訓以申

悲舊兼寄夏侯侍御

一作

審侯倉曹釗

稟命孤且賤少為病所嬰八歲始讀書四方遂有兵童  
心幸不羈此去負平生是月胡入洛明年天隕星夜行  
登灞陵惆悵靡所征雲海一翻蕩魚龍俱不寧因浮襄

江流遠寄鄱陽城鄱陽富學徒謂我慙無營諭以詩禮  
義勗隨賓薦名舟車更滯留水陸互陰晴曉望怯雲陣  
夜愁驚鶴聲淒淒指宋郊浩浩入秦京沴氣既風散皇  
威如日明方逢粟比金未識公與卿十上不可待三年  
竟無成偶為達者知揚我于王廷素志且不立青袍徒  
見縈昏孱夙自保靜躁本殊形始趨甘棠陰旋遇密人  
迎考實績無取責能才固輕新豐古離宮宮樹鎖雲扃  
中復蒞茲邑往惟曾所經繚垣何逶迤水殿亦崢嶸夜

雨滴金砌陰風吹玉楹官曹雖檢率國步日夷平命蹇  
固安分禍來非有萌因逢駭浪飄幾落無辜刑巍巍登  
壇臣獨正天柱傾悄悄失途子分將秋草并百年甘守  
素一顧乃拾青相逢十月交衆卉飄已零感舊諒戚戚  
問孤嫠熒熒侍郎文章宗傑出淮楚靈掌賦若吹簫司  
言如建瓴郎中善餘慶雅韻與琴清鬱鬱松帶雪蕭蕭  
鴻入冥員外真貴懦弱冠被華纓月香飄桂實乳溜滴  
瓊英補闕思冲融巾拂藝亦精一作六藝亦精明綵蝶戲芳圃



瑞雲凝

一作滋

翠屏拾遺興難侔逸調曠無程九醞貯彌

潔三花寒轉馨校書才智雄舉世一娉婷賭墅鬼神變

屬詞鸞鳳驚差肩曳長裾總轡奉和鈴共賦瑤臺雪同

觀金谷箏

一作笙

倚天方比劍沈井

一作水

忽如瓶神昧不

可問天高莫爾聽君持玉盤珠瀉我懷袖盈讀罷涕交

頤願言躋百齡

訓李叔度秋夜喜相遇因傷關東寮友喪逝見

贈

寒月照秋城。秋風泉澗鳴。過時見蘭蕙。獨夜感哀榮。酒  
散同移疾。一作病心悲似遠行。以愚求作友。何德敢稱兄。  
谷變波長急。松枯藥未成。恐看新鬢色。怯問故人名。野  
澤雲陰散。荒原日氣生。羈飛本難定。非是惡弦驚。

同李益傷秋

歲去人頭白。秋來樹葉黃。搔頭向黃葉。與爾共悲傷。  
白髮嘆

髮白曉梳頭。女驚妻淚流。不知絲色後。堪得幾回秋。

逢病軍人

行多有病

一作無力

住無糧萬里還鄉未到鄉蓬鬢哀吟古

城下不堪秋氣入金瘡

村南逢病叟

雙膝過頤頂在肩四鄰知姓不知年  
卧驅鳥雀惜禾黍猶恐諸孫無社錢

七夕詩

同用秋字一作他鄉七夕

祥光若可求閨女夜登樓月露浩方下  
河雲凝不流鉛

華潛警曙機杼暗傳秋迴想歛餘睠人天俱是愁

七夕詩

同用期字

涼風吹玉露河漢有幽期星彩光仍隱雲容掩復離良宵驚曙早閨歲怨秋遲何事金閨子空傳得綢絲

長門怨

空空

一作官

古廊殿寒月落斜暉卧聽未央曲滿箱歌舞

衣

妾薄命

妾年初二八兩度嫁狂夫薄命今猶在堅貞掃地無

倫開府席上賦得詠美人名解愁

不敢苦相留明知不自由頻眉乍欲語歛笑又低頭舞

態兼此

一作微兼

醉歌聲似帶羞今朝總見也只不

一作要

解

人愁

王評事駙馬花燭詩

萬條銀燭引天人十月長安半夜春步障三千隘將一

一作

無問斷幾多珠翠落香塵

一人女婿萬人憐一夜調

一作調

疎抵百年為報司徒好

將息明珠解轉又能圓

人主人臣是親家千秋萬歲保榮華幾時曾向高天上  
得見今宵月裏花

比翼和鳴雙鳳皇欲棲

一作玉梅

金帳滿城香平明却入天

泉裏日氣瞳矐五色光

和趙給事白蠅拂歌

華堂多衆珍白拂稱殊異柄裁沈節香襲人上結為文

下垂穗霜縷霏微瑩且柔虎鬚乍細龍髯稠皎然素色  
不因染浙爾涼風非為秋羣蠅青蒼恣遊息廣庖萬品  
無顏色金屏成點玉成瑕晝眠宛轉空洛嗟此時滿筵  
看一舉荻花忽旋楊花舞若如寒隼驚暮禽颯若繁埃  
得輕雨主人說是故人留每誠如新比白頭若將揮玩  
閒臨水願接波中一白鷗

蕭常侍瘿柏亭歌

柏之異者山中靈何人斷絕為君亭雲翻浪捲不可識

鳥獸成形花倒植莓苔舊點色尚青霹靂殘痕節猶黑  
金貂主人漢三老構此窮年下朝早心規目製不暫疲  
匠者受之無一詞清晨拂匣菱生鏡落日憑闌星滿池  
攢甍闔拱無斤跡根癭聯懸同素壁數層亂瀉雲裏峰  
萬片爭呈雪中石重簾不動自飄香似到瀛洲白玉一作

雪堂水精如意刁金

一作方同  
一作方合

色雲母屏風透

一作  
遂掩

光四堦綿綿被纖草草上依微衆山道松間汲井煙翠  
寒洞裏圍碁天景好愚儒敢欲賀成功鸞鳳棲翔固不



同應念廢材今接地一枝思寄戶庭中

慈恩寺石磬歌

靈山石磬生海西海

一作波

濤平處與山齊長看老僧同

佛力呪使鮫人往求得珠穴沈成綠浪痕天衣拂盡蒼

苔色星漢徘徊山有風禪翁靜扣月明中羣仙下雲龍

出水鸞鶴交飛半空裏山

一作城

精木魅不可聽落葉秋

砧一時起花宮杳杳

一作梵宮香散

響泠泠無數沙門昏夢醒

古廊燈下見行道疎林

一作柳

池邊聞誦經徒壯

一作使

洪

鐘秘高閣萬金費盡工雕鑿豈知全質挂青松數葉殘  
雲一片峯吾師寶之壽中國願同劫石無終極

送張郎中還蜀歌

秦家御史漢家郎親專兩印征殊方功成走馬朝天子

伏檻論

一作  
談

邊若流水曉離僊署趨紫微夜接高儒讀

青史瀘南五將望君還願以天書示百蠻曲棧重江初  
過雨前旌後騎不同山迎車拜舞多耆老舊卒新營遍  
青草塞口雲生火候遲煙中鶴唳軍行早黃花川下水

交橫遠映

一作鴈

孤霞蜀國晴  
邛竹筍長  
椒瘴起  
荔枝花

發杜鵑鳴  
迴首岷峨  
半天黑  
傳觴接膝  
何由得空令豪

士仰威名  
無復貧交  
恃顏色  
垂楊不動  
雨紛紛  
錦帳胡瓶

爭送君  
須臾醉起  
簫笳發  
空見紅

一作雙

旌入白

一作塞

雲

宴席賦得姚美人拍箏歌

美人在禁中

出簾仍有鈿箏隨  
見罷翻令恨  
識遲微  
收皓腕  
纏紅袖

深過朱弦低翠睂  
忽然高張應繁

一作疎

節玉指  
迴旋若

飛雪鳳簫韶

一作龍

管寂不喧  
繡幕紗窗  
儼秋月  
有時輕

弄和郎歌慢處聲遲情更多已愁紅臉能佯醉又恐朱  
門難再過昭陽伴一作宮裏最聰明出到人間纔長成遙  
知禁曲難翻處猶是君王說小名

陳翊郎中北亭送侯釗侍御

一作送劉侍御賦得帶冰

### 流歌

溪中鳥鳴春景旦一派寒冰忽開散壁方鏡員流不斷  
白雲鱗鱗滿河漢疊處淺旋處深撇捩寒魚上復沈羣  
鷺鼓舞揚清音主人有客簪白筆玉壺貯水光如一持

此贈君君飲之聖君識君冰玉姿

棲巖寺隋文帝馬腦盞歌

天宮寶器隋朝物鑲在金函比金骨開函捧之光乃發  
阿脩羅王掌中月五雲如拳輕復濃昔曾喫酒今藏龍  
規形環影相透徹亂雪繁花千萬重可憐貞質無今古  
可嘆隋陵一杯土宮中艷女滿宮春得親此寶能幾人  
一留寒殿殿將壞唯有幽光通隙塵山中老僧眉似雪  
忍死相傳保局鐫

難綰刀子歌

黃金鞘裏青蘆葉麗若翦成鉅且翬

一作捷

輕冰薄玉狀

不分一尺寒光堪決雲吹毛可試不可觸似有蟲搜闕  
裂文淬之幾墮前池水馬知不是蛟龍子割雞刺虎皆  
若空願應君心逐君指并州難綰竟何人每成此物如  
有神

臘日

一作月

觀咸寧王部曲娑勒擒豹歌

山頭曈曈日將出山下獵圍照初日前林有獸未識名

將軍促騎無人聲潛形踰

一作蛇

伏草不

一作未

動雙雕旋

轉羣鴉鳴陰方質子才三十譯語受詞蕃語揖捨鞍解

甲疾如風人忽虎蹲獸人立歛然扼顙批其頤爪牙委

地涎淋漓既蘇復吼拗仍怒果叶英謀生致之拖自深

叢目如雷萬夫失容千馬戰傳呼賀拜聲相連殺氣騰

凌陰滿川始知縛虎如縛鼠敗虜降羌生

一作在

眼前一作

皆目

祝爾嘉詞爾

一作身

無苦獻爾

一作看

將隨犀象舞苑

中流水禁中山期爾攫搏開天顏非熊之兆慶無極願

紀雄名傳百蠻

賦得白鷗歌送李伯康歸使

積水深源

一作沈

白鷗翻

一作飛

翻倒影光素于潭之間銜

魚魚落

一作銜  
魚落

亂驚鳴爭撲蓮葉蓮葉

一作華

傾

一作爭  
撲蓮葉

葉傾爾不見波中鷗鳥閒無營何必汲汲勞其生柳花冥

濛大堤口悠揚相和乍無有輕隨去浪杳不分細舞清

一作春

風亦

一作久

何有

一作久

似君換得白鵝時獨凭闌干

雪滿池今日還同看鷗鳥如何羽翮復參差復參差海



濤瀾漫何由期

皇帝

一本有聖字

感詞

提劍風雷

一作雲

動垂衣日月明禁花呈瑞色國老見星

精發棹魚先躍窺巢鳥不驚山呼一萬歲直入九重城

天香

一作衣

五鳳彩御馬六龍文雨露清馳道風雷

一作雲

翊上軍高旂

一作樓

花外轉行漏樂

一作嶽

前聞時見金鞭

舉空中指瑞雲

妙算干戈止神謀宇宙清兩堦文物盛七德武功成校

獵長楊苑屯軍細柳營歸來獻明主歌舞溢

一作滿一作隘

春

城

天樂下天中雲輶儼在空鉛黃艷河漢笑語合笙鏞已

見長

一作今

隨鳳仍聞不避

一作射

熊

一作驄

君王親試舞

一作

問

閭闔靜無風

御定全唐詩卷二百七十七

欽定四庫全書薈要卷一萬七千六百八十三

集部

御定全唐詩卷二百七十八

盧綸

天長久詞

三首附宮中樂二首一作  
天長詞一作天長地久詞

玉砌紅花樹香風不敢吹春光解天意偏發殿南枝

天長

久萬  
年昌

虹橋千步廊半在水中央天子方清一作消暑宮娃起夜

一作人

妝

天長久  
萬年昌

重暮

辭輦復當熊傾心奉六

一作上

宮君王若看貌

一作見

甘在

衆妃中

天長久萬年昌

雲日呈祥禮物殊彤庭生獻五單于塞垣

一作天

萬里無

飛鳥可是

一作在

邊城用郅都

臺殿雲深

一作涼

秋色

一作風日

微君王初賜六宮衣樓船泛

罷

一作罷泛

歸猶早行遣

一作道

才人鬪射飛

和張僕射塞下曲

驚翎金僕姑燕尾繡螭弧獨立揚新令千營共一呼

林暗草驚風將軍夜引弓  
平明尋白羽沒在石稜中  
月黑鴈飛高單于夜遁逃  
欲將輕騎逐大雪滿弓刀  
野幕敞瓊筵羌戎賀旋醉  
和金甲舞雷鼓動山川  
調箭又呼鷹俱聞出世一作能奔狐  
一作將迸雉掃盡

古丘陵

亭亭七葉貴蕩蕩一隅清  
他日題麟閣唯應獨不名

一作

誰知獨  
有名

古艷詩

殘妝色淺髻鬟開笑映朱簾觀客來推醉唯知弄花鈿  
潘郎不敢使人催

自拈裙帶結同心暖處偏知多一作香氣深愛捉狂夫問

閒事不知歌舞用黃金

孤松吟詠渾贊善

深山荒松枝雪壓半離披朱門青松樹萬葉承一作清

露露重色逾鮮吟風似遠泉天寒香自發日麗影常圓

陰郊一夜雪榆柳皆枯折迴首望君家翠蓋滿瓊花捧

君青松曲自顧同衰木曲罷不相親深山頭白人

從軍行

一作李端詩  
題云塞上

二十在邊城軍中得勇名卷旗收

一作爭

敗馬占

一作斷

磧

擁

一作護

殘兵覆陣烏鳶起燒山草木明

一作鳴

塞閒思遠

獵師老厭分營雪嶺無人跡冰河足鴈聲李陵甘此沒  
惆悵漢公卿

和馬郎中畫鶴贊

高高華亭有鶴在屏削玉點漆乘軒姓丁暮雲冥冥雙



垂雪翎晨光炯炯一直朱頂含音儼容絕粒遺影君以  
為真相期緱嶺

送朝長史赴荆南舊幕

末二句缺

元瑜思舊幕幾夜夢旃旒暑退蒹葭雨秋生鼓角天月  
明三峽路浪裏九江船

送渭南崔少府歸徐郎中幕

第七句缺

葉下三邊路行人見自悲夜寒逢雪處日暖到村時語  
少心長苦愁深醉

一作意

自遲

羨有幕中期

寄鄭七綱

小來落托復迢迢一辱君知二十年捨去形骸容傲慢  
引隨兄弟共團圓羈遊不定同雲聚薄宦相縈若網牽  
他日吳公如記問願將黃綬比青氈

逢南中使因寄嶺外故人

見說南來處蒼梧接桂林過秋天更暖邊一作近海日長

陰巴路緣雲出蠻鄉入洞深信迴人自老夢到月應沈  
碧水通春色青山寄遠心失方難久客為爾一沾襟一作

莫使鬢  
毛侵

代員將軍罷戰後歸舊里贈朔北一作地故人一作

常衮  
詩

結髮事壇場全生俱到一作到海鄉連雲防鐵嶺同日破漁

陽牧馬胡天晚一作曉移軍磧路長枕戈眠古戍吹角立

繁霜歸老勲仍在酬恩虜一作慮未亡一作忘獨行一作愁過

邑里多病對農桑雄劍依塵橐一作席陰一作兵符寄藥囊

空餘麾下將一作士猶逐羽林郎

江北憶崔汶

夜問江西客還知在楚鄉  
全身出部伍盡室逐漁商  
晴日遊瓜步新年對漢陽  
月昏驚浪白瘴起覺雲黃  
望嶺家何處登山泪幾行  
閩中傳有雪應且住南康

早春歸蓋屋舊居

一作別業

却寄耿拾遺  
漳李校書

蔡

野日初晴麥壠分  
竹園相接

一作村巷

鹿成群幾

一作萬

家廢

井生青

一作秋一作新

草一樹繁花傍

一作對

古墳引水忽驚冰

滿澗向田空見石和雲可憐荒

一作芳

歲青山下

一作裏

惟

有松枝好寄

一作寄與

君

春日山中憶崔峒吉中孚

一作寄李舍人

延步愛清晨空山日照春  
蜜房那有主石室自無鄰  
泉急魚依藻花繁鳥近人  
誰言失徒侶唯與老相親

客舍喜崔補闕司空拾遺訪宿

步月訪諸鄰蓬居宿近臣

一作弊

裘先醉客清鏡早朝

人壞壁煙垂網香街火照塵  
悲榮俱是分吾亦樂吾貧

苦雨聞包諫議欲見訪戲贈

草氣厨煙咽不開  
繞牀連壁盡生苔  
常時多病因多雨  
那敢煩君車馬來

客舍苦雨即事寄錢起郎士元二員外

積雨暮淒淒  
羈人狀鳥一作獨  
棲響空宮樹  
接覆水野雲

低穴蟻多隨  
草巢蜂半墜  
泥遶池牆蘚  
合擁溜瓦松  
齊

舊圃平如海  
新溝曲似溪  
壞闌留衆蝶  
欹棟止一作上  
羣

雞莠盛終無  
實槎枯返一作遂  
有萸綠萍藏  
廢井黃葉隱

危堤閭里歡將絕朝昏望亦迷不知霄漢侶何路可相

攜一作事  
攀躋

郊居對雨寄趙涓給事包佶郎中

暑雨青山裏隨風到野居亂漚浮曲砌懸溜響一作滴前

除塵鏡愁多掩蓬頭嬾更梳夜窗淒枕席陰壁潤圖書

蕭颯宜一作移

新竹龍鍾拾野蔬石泉空自咽藥園不堪

鋤濁水淙深轍荒蘭擁敗渠繁枝留宿鳥碎浪出寒一作

隱遊一作  
作隱行

魚桑屐一作履時登望荷衣自卷舒應憐在泥滓

無路託高車

藍溪期蕭道士採藥不至

春風生百藥

一作草

幾處木苗香人遠花空落溪深日復

長病多知藥性老近憶仙方清

一作青

節何由見三山桂

自芳

雪謗後書事上皇甫大夫

盛德總羣英高標仰國楨獨安巡狩日曾掩趙張名業  
就難辭寵朝回更授兵曉川分牧馬夜雪覆連營長策



威殊俗嘉謀翊聖明  
畫圖規陣勢夢筆紀山行  
綬拂池中影珂搖竹外聲  
賜歡徵妓樂陪醉問一作見公卿却憶  
經前事翻疑得此生  
分深存沒感恩在子孫  
榮覽鏡愁將老捫心喜  
復驚豈言沈族重但覺  
殺身輕有淚沾墳典無  
家集弟兄東西遭世難  
流浪識交情閱古宗文  
舉推才慕正平應憐守  
貧賤又欲事躬耕

春日憶司空文明

桃李風多日欲陰  
百勞飛處落花深  
貧居靜久難逢信

知隔春山不可尋

卧病寓居龍興觀枉馮十七著作書知罷攝洛

陽赴緱氏因題十四韻寄馮生并贈喬尊師

時予

罷推官

乞假依山宅蹉跎屬歲周  
弱莢輕採拾鈍質稱歸休  
潘岳哀將至劉楨病未瘳  
步遲乘羽客起晏滯書郵  
幸以編方驗終貽骨肉憂  
灼龜爐氣冷曝藥樹陰稠  
語命心堪醉傷離夢亦愁  
葦簾居已絕鸞鶴見無由  
世累如塵

積年光劇水流躡雲知有路濟海豈無舟倚玉翻成難  
投磚敢望訓卑棲君就祿羸億我逢秋腐葉填荒輟陰  
螢出古溝依然在遐想願子勵風猷

秋夜寄馮著作

河漢淨無雲鴻聲此夜聞素心難

一作雖

比石蒼鬚欲如

君露槿月中落風螢池上分何言千

一作十

載友同迹不

同羣

洛陽早春憶吉中孚校書司空曙主簿因寄清

江上人

值迴逢高駐馬頻雪晴閒看洛陽春鶯聲報遠同芳信  
柳色邀歡似故人酒貌昔將花共艷鬢毛今與草爭新  
年來百事皆無緒唯與湯師結淨因

偶逢姚校書憑附書達河南却推官因以戲贈

寄書常切到常遲今日憑君君莫辭若

一作君

問玉人殊

易識蓮花府裏最清羸

夜中得循州趙司馬侍郎書因寄回使

瘴海寄雙魚中宵達我居兩行燈下淚一紙嶺南書地  
說炎蒸極人稱老病餘殷勤報一作祝賈傅莫共酒杯疎

晚次新豐北野老家書事呈贈韓質明府

機鳴春響日暝暝雞犬相和漢古村數派清泉黃菊盛  
一林寒露紫梨繁哀翁正席矜新社稚子齊襟讀古論  
共說年來但無事不知何者是君恩

書情上大尹十兄

紫陌絕纖埃油幢千騎來剖辭紛若雨犇吏殷成雷聖

澤初憂壅羣心本在  
台海鱗方潑刺雲翼  
暫徘徊芳室  
芝蘭茂春蹊桃李開  
江湖餘派少鴻鴈遠  
聲哀命厭著  
龜誘年驚弟姪催磨  
鉛慙砥礪揮策愧駕  
駘玉管能喧  
谷金爐可變灰應憐  
費思者銜淚亦銜枚

春思貽李方陵

一本無陵字

長安三月春難別復  
難親不識冶遊伴多  
逢憔悴人漸  
知權澹薄轉覺老殷  
勤去矣盡如此此辭  
悲未陳

驛中望山戲贈渭南  
陸贄主簿

官微多懼事多同拙性偏無主驛功山在門前登不得

鬢毛衰盡路一作落塵中

太白西峯偶宿車祝二尊師石室晨登前巘憑

眺書懷即事寄呈鳳翔齊員外張侍御一作郎

弱齡誠昧鄙遇勝惟求止如何羈滯中得步青冥裏青

冥有桂藂冰雪兩仙翁毛節未歸海丹梯閒倚空逍遙

擬上清洞府不知名醮罷雨雷至客辭山忽明山明鳥

聲樂日氣生

一作石壑

一作壑

一作石壑

樹脩脩白雲如水流

白雲消散盡隴塞儼然秋積阻關河固綿聯烽戍稠五  
營承廟略四野失邊愁吁嗟繫塵役又負靈仙迹芝朮  
自芳香泥沙幾沈溺書此欲沾衣平生事每違煙霄不  
可仰鸞鶴自追隨

贈韓山人

見君何事不慙顏白髮生來未到山更嘆無家又無藥  
往來唯在酒徒間

贈李果毅



向日磨金鏃當風著錦衣上城邀賊語走馬截鵬飛

春日書情贈別司空曙

壯志隨年盡謀身意

一作獨一作覺一作竟

未安風塵交契闊

一作

絕老大別離難臘近晴多暖春遲夜却寒誰堪

一作憐

少

兄弟三十又

一作復

無官

一作五十未為官

冬曉呈鄰里

終夜寢衣冷開門思曙光空堦一蘼葉華室四鄰霜望

闕覺天迴憶山愁路荒途中

一作中途

一留滯雙鬢颯然蒼

首冬寄河東昭德里書事貽鄭損倉曹

清冬和暖天老鈍晝多眠日愛閭巷靜每聞官吏賢寒

蔬供家食腐葉

一作藥

宿厨煙且復執杯酒無煩輕議邊

渾贊善東齋戲贈陳歸

長裾珠履颯輕塵間以琴書列上賓公子無雙言可邀請  
侯嬴此坐是何人

春日卧病示趙季黃

時陷在賊中

病中饒汨眼常昏聞說花開亦閉門語少漸知琴思苦

卧多唯覺鳥聲喧黃埃滿市圖書賤黑霧連山虎豹尊  
今日支離顧形影向君凡在幾重恩

秋幕中夜

一作幕  
中秋夜

獨坐遲明因陪陳翊郎中晨

謁上公因

一作  
聯

書即事兼呈同院諸公

風淒露泣然明月在山巔獨倚古庭樹仰看深夜天葉  
翻螢不定蟲思草無邊南舍機杼發東方雲景鮮簪裘  
肅已整車騎儼將前百雉拱雙戟萬夫尊一賢琳瑯多  
謀蘊律呂更相宣曉桂香泥露新鴻晴滿川熙熙造化

功一作化穆穆唐堯年顧已草同賤誓心金匪堅蹇辭慙

自寡渴病老難痊書此更何問邊韶唯晝眠

寄贈庫部王郎中

時充折  
糴使

諤諤漢名臣從天令若春叙辭皆詔旨稱官一作使即星

辰草木承風偃雲雷施澤均威懲治粟尉恩洽讓田人

泉貨方將散京坻自此陳五營俱益竈千里不停輪未

遠金門籍旋清玉塞塵碩儒推慶重良友一作史頌公一作

功頻鶴髮逢新鏡龍門躍舊鱗荷君偏有問深感浩難

申

寄贈暢當山居

古村荒石路歲晏獨言歸  
山雪厚三尺社榆麓十圍  
虬龍寧守蟄鸞鶴豈矜飛  
君子固安分毋聽勞者譏

偶宿山中憶暢當

深山夜雪晴坐憶曉山明  
讀易罷三卷彈琴當五更  
薜蘿枯有影崑壑凍無聲  
此夕一相望君應知我誠

秋中野望寄舍弟綬兼令呈上西川尚書舅

憂來思遠望高處殊非愜夜露濕蒼山秋陂滿黃葉人  
隨鴈迢遰棧與雲重疊骨肉暫分離形神遂疲繭紅旌  
渭陽騎幾日勞登涉蜀道藹松筠巴江盛舟楫小生即  
何限簡誨偏盈篋舊恨尚填膺新悲復縈曉因求種瓜  
利自喜歸耕捷井臼賴依鄰兒童亦勝汲一作塵容不  
在照雪鬢那堪鑷唯有餐霞心知夫一作與天接

行藥前軒呈董山人

不覺老將至瘦來方自驚朝昏多病色起坐有勞聲  
膝

暖一作體緩一作晴苦肌一作痒藏虛唯耳鳴桑公富靈術一為保

餘生

翫春因寄馮衛二補闕戲呈李益時君與李新除侍御史

掖垣春色自天來紅藥當階次第開萱草蘼蘼爾何物  
等閒穿破綠莓苔

新移北廳因貽同院諸公兼呈暢博士

華軒適台座顧影忝時倫弱質偃彌曠清風來亦頻恩  
輝坐凌邁景物恣芳新終乃愧吾友無容私此身

與張擢對酌

張翁對盧叟一榼山村酒傾酒請予歌忽蒙張翁呵呵  
予官非屈曲有怨詞多歌罷謝張翁所思殊不同予悲  
方為老君責一何空曾看樂官錄向是悲翁曲張老聞  
此詞汪汪泪盈目盧叟醉言麤一杯凡數呼回頭顧張  
老敢欲戲為儒

喜從弟激初至

儒服策羸車惠然過我廬叙年慙已長稱從意何疎作



吏清無比為文麗有餘應嗤受恩者頭白讀兵書

尋賈尊師

玉洞秦時客焚香映綠蘿新傳左慈訣曾與右軍鵝井  
白陰苔遍方書古字多成都今日雨應與酒相和

秋中過獨孤郊居

即公  
主子

開一作開園過水到郊居共引家童拾野蔬高樹夕陽連

古巷菊花梨葉滿荒渠秋山近處行過寺夜雨寒時起  
讀書帝里諸親別來久豈知王粲愛樵漁

同耿拾遺春中題第四郎新修書院

一作同錢  
員外春中

題薛載少  
府新書院

得接西園會多因野性同引藤連樹影移石

一作柏

間花

叢學就晨昏外歡生禮樂中春遊隨墨客夜宿伴潛公  
散帙燈驚燕開簾月帶風朝朝在門下自與五侯通

春日題杜叟山下別業

白鳥羣飛山半晴渚田相接有泉聲園中曉露青叢合  
橋上春風綠野明雲影斷來峯影出林花落盡草花生

今朝醉舞同君樂始信幽人不愛榮

過終南柳處士

五一

一作

老正相尋圍棋到煮金石摧丹井閉月過洞門

深援鳥三時下藤蘿十里陰綠泉多草氣青壁少花林  
自愧非仙侶何言見道心悠哉宿山口雷雨夜沈沈

宿澄上人院

竹窗聞遠水月出似溪中香覆經年火幡飄後夜風性  
昏知道晚學淺喜言同一悟歸身處何山路不通

題李沆林園

古巷牛羊出重門  
接柳陰閒看入竹路  
自有向山心種  
藥齊幽石耕田到遠林  
願同詞賦客得興一作與謝家深

御定全唐詩卷二百七十八

欽定四庫全書薈要卷一萬七千六百八十四

集部

御定全唐詩卷二百七十九

盧綸

過司空曙村居

南北與山鄰蓬蒿庇一身繁霜疑有雪枯草似無人  
遂性在一作存耕稼所交唯賤貧何言張掾傲每重德璋親

題念濟寺暈上人院

泉響竹蕭蕭潛公居處遙虛空聞偈夜清淨雨花朝放

鶴臨山閣降龍步石橋世塵徒委積劫火定焚燒苔壁  
雲難聚風篁露易搖浮生亦無著况乃是芭蕉

題楊毓縣竹亭

夜宿密公室話餘將晝興遶堦三逕雪當戶一池冰家  
訓資風化心源隱政能明朝復何見萊一作葉草古溝塍

過樓觀李尊師

一作過李尊師院

城闕望煙霞常悲仙路賒寧知樵子徑得到葛洪家犬  
吠松間月人行洞裏花留詩千歲一作載鶴送客五雲車

訪一作傲世山空在觀棋日未斜不知塵俗士誰解種胡

麻

雪謗後逢李叔度

相逢空握手往事不堪思見少情難盡愁深語自遲  
草生分路處雨散出山時強得寬離恨唯當說後期

春日過李侍御

一作郎

高柳滿春城東園有鳥聲折花朝露滴漱石野泉清心

許陶家醉詩逢謝客呈應憐末行吏曾是魯諸生



出山逢耿漳

雲雪離披山

一作千

萬里別來曾住最高峰  
暫到人間歸

不得長安陌上又相逢

題金吾郭將軍石伏茅堂

一作常  
袁詩

雲戟曙沈沈  
軒墀清且深  
家傳成棟美  
堯寵結茅心  
玉佩多依石  
油幢亦在林  
爐香諸洞暖  
殿影衆山陰  
草奏風生筆  
筵開雪滿琴  
客從龍闕至  
僧自虎溪尋  
蕭灑延清賞  
風流會素襟  
終朝息塵步  
一醉間華簪

題賈山人園林

竹影朦朧松影長  
素琴清簾好風涼  
連春詩會煙花滿  
半夜酒醒蘭蕙香  
五字每將稱玉友  
一尊曾不顧金囊  
長沙流謫君非遠  
莫遣英名負洛陽

秋夜同暢當宿藏公院

禮足一垂淚  
醫王知病由  
風螢方喜夜  
露槿已傷秋  
顧以兒童一作童子愛  
每從仁者求  
將祈一作來竟  
何得滅跡在

溜流

重同暢當樊公院聞琴

悞以音聲祈遠公請將徽軫付秋風  
漾漾硤流吹不盡月華如在白波中

同耿漳宿陸澧旅舍

當軒雲月開清夜故人柝擁褐覺霜下  
抱琴聞鴈來迎風君顧步臨路我遲迴  
雙鬢共如此此懽非易陪

題苗員外竹間亭

高甍絕行塵開簾似有春風傾竹上  
雪山對酒邊人步

暖先逢日書空遠見鄰還同內齋暇登賞及諸姻

奉陪侍中登白樓

一作奉陪渾侍中五日登白鶴樓

高樓倚玉梯朱檻與雲齊顧盼親

一作臨

霄漢談諧息鼓

輦洪河斜迴

一作

更直野雨急仍低今日陪尊俎唯當

一作

還醉似泥應

九日奉陪侍郎

一作陪渾侍中

登白樓

碧霄孤鶴發清音上宰因添望闕心睥睨三層連步障

茱萸一朵映華簪紅霞似綺河如帶白露團珠菊散金

此日所從何所問儼然冠劍

一作蓋

擁成林

春日喜雨奉和馬侍中宴白樓

鸛鶴相呼綠野寬鼎臣閒倚玉欄干洪河擁沫流仍急

蒼嶺和雲色更寒豔豔風光呈瑞歲泠泠歌頌振琬盤

今朝醉舞共

一作同

鄉老不覺傾

一作頻

歌

一作斜

獬豸冠

奉陪侍中遊石笋溪十二韻

朝日照靈山山溪浩紛錯圖書無舊記鯨禹應新鑿  
壁瀉天河一峯吐蓮萼潭心亂雪卷嵒腹繁珠落彩蛤

攢錦囊芳蘿嫋花索援羣曝陽嶺龍穴腥陰壑靜得漁  
者言閒聞洞仙博款松倚朱幃廣石屯油幕國泰事畱  
侯山春縱康樂間關殊狀烏爛熳無名藥欲驗少君方  
還吟大隱作旌幢不可駐古塞新沙漠

九日奉陪侍中宴白

一本有樓  
鶴字

露白菊氤氲西樓盛襲

一作  
寵盛

文王筵秋令節金鉞漢元

勲說劍風生座抽琴鶴遶雲謏儒無以荅願得備前軍

九日奉陪侍中宴後亭

玉壺傾菊酒一顧得淹留彩筆徵枚叟花筵舞莫愁管  
弦能駐景松桂不停秋為謝蓬蒿輩如何霜霰稠

九日奉陪令公登白樓同詠菊

瓊尊猶有

一作有僊

菊可以獻留侯願比三花秀非同百卉

秋金英分藻

一作葉

細玉露結房稠黃雀知恩在銜飛亦

上樓

奉陪渾侍中上巳日泛渭河

青素

一作素

舸錦帆開浮天接上台晚鶯和玉笛春浪動金

疊舟檝方朝海鯨鯢自曝腮應憐似萍者空逐榜人回  
奉陪侍中春日過武安君廟

長裾間貔虎遺廟盛攀登白羽三千騎紅林一萬層元  
臣達幽契祝史告明徵撫坐悲今古瞻容感廢興迴風  
卷藁栢驟雨濕諸陵倏忽煙花霽當營看月生

過玉貞公主影殿

夕照臨一作窗起暗塵青松繞一作鎖殿不知春君看白

髮誦經者半是宮中歌舞人



題嘉祥殿南溪印禪師壁畫影堂

雙屐

一作屐

參差錫杖斜衲衣交膝對天花瞻容

一作空

悟

問脩持劫似指前溪無數沙

題伯夷廟

中條山下黃礪石壘作夷齊廟裏神落葉滿堦塵滿座

不知澆酒為

一作是

何人

早春遊樊川野居却寄李端校書兼呈崔峒補  
闕司空曙主簿耿漳拾遺

白水遍溝塋青山對杜陵  
晴明人望鶴曠野鹿隨僧  
古柳連巢折荒堤帶草崩  
陰橋全覆雪瀑一作深溜半垂冰  
鬬鼠搖松影遊龜落石層  
韶光偏不待衰敗巧相仍  
桂樹曾爭折龍門幾共登  
琴師阮校尉詩和柳吳興  
舐筆求書扇張屏看畫蠅  
卜鄰空遂約問卦獨無徵  
投足經危路收才遇直繩  
守農窮自固行樂病何能  
掩帙蓬蒿晚臨川景氣澄  
颯然成一叟誰更慕騫騰

同錢郎中晚春過慈恩寺

不見僧中舊仍逢雨後春惜花將愛寺俱是白頭人

曲江春望

菖蒲翻葉柳交枝暗上蓮舟鳥不知更到無花最深處  
玉樓金殿影參差

翠黛紅粧畫鷁中共驚雲色帶微風簫管曲長吹未盡  
花南水北雨濛濛

泉聲遍野入芳洲擁沫吹花草上一作上碧流落日一作二月行

人漸無路巢鳥一作蜂乳燕滿高樓

春日陪李庶子遵善寺東院曉望

映竹水田分，當山起鴈羣。陽峰高對寺，陰井下通雲。雪

畫

一作盡

唯逢鶴花時，此見君由來。禪誦地多有，謝公文

華清宮

漢家天子好經過，白日青山宮殿多。見說只今生草處，  
禁泉荒石已相和。

水

一作天

氣朦朧滿

一作暖

畫梁一迴開，殿滿山香宮。娃幾

許經歌舞，白首翻令憶建章。

題興善寺後池

隔窗棲白鶴

一作鳥

似與鏡湖鄰  
月照何年樹  
花逢幾遍

一作世一作番一作度

人岸莎青有路苔徑

一作逕石

綠無塵  
永願容

依止僧

一作山

中老此身

陪中書李紓舍人夜泛東池

看月復聽琴  
移舟出樹陰  
夜村機杼急  
秋水芰荷深  
石

靜龜潛上萍開果

一作葉

暗沈何言奉杯酒

一作杯酒興

得見

五湖心

宴趙氏昆季書院因與會文并率爾投贈

詩禮挹餘波相懽在琢磨  
琴尊方會集珠玉忽駢羅  
謝族風流盛于門福慶多  
花攢騏驎樞錦綉鳳凰窠  
詠雪因饒妹書經為愛鶯  
仍聞廣練被更有遠儒過

題天華觀

峰嶂徘徊霞景新一潭寒水絕纖鱗  
朱字靈書千萬軸

一作卷蒼髯道士兩三人  
芝童解說壺中事  
玉管能留天

上春眼見仙丹求不得  
漢家簪紱一作綬在羸身

宿石筍寺

殿有寒燈草有螢千林萬壑寂無聲  
烟凝積水龍蛇蟄露濕空山星漢明  
昏靄霧中悲世界曙霞光裏見王城  
迴瞻相好因垂淚苦海波濤何日平

題悟真寺

萬峯交掩一峯開曉色常從天上来  
似到西方諸佛國

蓮花影裏數樓層一作臺

題雲際寺上方

松高蘿蔓輕中有石牀平下界水長急上方燈自明空  
門不易啓初地本無程迴步忽山盡萬緣從此生

九日同司直九叔崔侍御登寶雞南樓

把菊歎將老上樓悲未還短長新白髮重

一作  
稠

疊舊青

山霜氣清衿袖琴聲引醉顏竹林唯七友何幸亦登攀

同王員外雨後登開元寺南樓因寄西巖一作警

上人

過雨開樓看晚虹白雲相逐水相通寒蟬噪暮野無日



古樹傷秋天有風數穗遠煙凝壠上一枝繁果憶山中  
何言暫別東林友惆悵人間事不同

同趙進馬元陽春日登長春宮古城望河中因

寄鄭損倉曹

損進馬之舅

城頭春靄曉濛濛指望關橋滿袖風雲騎閒嘶宮柳外  
玉人愁立草花中鐘分寺路山光綠河繞軍州日氣紅  
跡忝已成

一本此二字缺

方戀賞此時離恨與君同

同崔峒補闕慈恩寺避暑

寺涼高樹合卧石綠陰中伴鶴慙僂侶依僧學老翁魚  
沈荷葉露鳥散竹林風始悟塵居者應將火宅同

春日登樓有懷

花正濃時人正愁逢花却欲替花羞年來笑伴皆歸去

今日晴明

一作春風

獨上樓

長安春望

東風吹雨過青山却望千門草

一作柳

色閒家在夢中何

日到春生

一作歸又作來

江上幾人還川原繚繞浮雲外宮闕

參差落照間誰念為儒逢世難

一作多失意

獨將衰鬢客秦

關

冬日登城樓有懷因贈程騰

生涯何事多羈束賴此登臨暢心目郭南郭北無數山

萬井逶迤流水間彈琴對酒不知暮岸幘題詩身自

一作

且閒風聲肅肅鴈飛絕雲色茫茫欲成雪遙思海客天

外歸坐想征人兩頭別世情多以

一作似

風塵隔泣盡無

因畫

一作對

籌策誰知白首窗下人不接朱門坐中客賤

亦不足歎貴亦不足陳長卿未遇楊朱泣蔡澤無媒原  
憲貧如今萬乘方用武國命天威借貔虎窮達皆為身  
外名公侯可廢刀頭取君不見漢家邊將在邊庭白羽  
三千出井陘當風看獵擁珠翠豈在終年窮一經

### 過仙遊寺

上方下方雪中路白雲流水如閒步

一作閒  
數步

數峰行盡

一作峯  
到盡時猶未歸寂寞經聲竹陰暮

### 同路郎中韓侍御春日題野寺

寺前山遠古陂寬寺裏人稀一作移春草寒何事最堪悲

色相折花將與老僧看

奉和李益遊栖巖寺

一作登西巖寺  
一作常袞詩

林香雨氣新山寺綠無塵遂結雲外賞一作侶共遊天上

春鶴鳴金闕

一作閣

麗僧語

一作話

竹房鄰待月水流急惜

花風起頻何方非壞境此地有歸人迴首空門路一作作幡

皓然一幻身

秋夜同暢當宿潭上西亭

圓月出山頭七賢林下遊  
梢梢寒葉墜灩灩月波流  
鳬鵲共思曉菰蒲相與秋  
明當此中別一爲望汀洲

山中一絕

飢食松花渴飲泉偶從山後到  
山前陽坡軟草厚如織

因一作與鹿麕相伴眠

與暢當夜泛秋潭

螢火颺蓮叢水涼多夜風  
離人將落葉俱在一船中

秋夜宴集陳翃

一作雄

郎中園亭美校書郎張正

元歸鄉

泉清蘭菊稠紅果落城溝保慶臺榭古感時琴瑟秋碩  
儒歡頗至名士禮能周為謝邑中少無驚池上鷗

春遊東潭

移舟試望家漾漾似天涯日暮滿潭雪白鷗和柳花

同薛存誠登栖巖寺

衰蹇步難前上山如上天塵泥來自晚猿鶴到何先萬  
壑應孤磬百花通一泉蒼蒼此明月下界正沈眠

河中府崇福寺看花

聞道山花如火紅  
平明登寺已經風  
老僧無見亦無說  
應與看人心不同

冬日宴郭監林亭

玉勒聚如雲  
森森鸞鶴羣  
據梧花罽接  
沃盥石泉分  
華味慙初識  
新聲喜盡聞  
此山招老賤  
敢不謝夫君

奉和李舍人昆季詠玫瑰花寄贈徐侍郎

一作郎中

一作常  
衮詩



獨鶴寄煙霜雙鷺思晚芳舊陰依謝宅新豔出蕭丘

一作丘

牆蝶散

一作起

搖輕露鶯銜入夕陽雨朝勝濯錦風夜劇

焚香斷

一作麗

一作日燒

千層

一作重

豔孤霞

一作萬

片光密

來驚葉少動處覺枝長布影期高賞留春爲遠方嘗聞

贈瓊玖叨和愧升

一作登堂

同耿漳司空曙二拾遺題韋員外東齋花樹

綠砌紅花樹狂風獨未吹光中疑有燄密處似無枝鳥  
動香輕發人愁影屢移今朝數片落爲報漢郎知

觀袁修

一作修

侍郎

一作崔  
郎中

漲新池

引水香

一作春

山近穿雲復遶林，纔聞籬外響，已覺石邊

深。滿處侵苔色，澄來見柳陰。微風月明夜，知有五湖心。

和徐法曹贈崔洛陽斑竹杖以詩見荅

玉幹一尋餘，苔花錦不如。勁堪和醉倚，輕好向空書。採  
拂稽山曲，因依釋氏居。方辰將獨步，豈與此君疎。

早

一作仲

秋望華清宮中樹，因以成詠

一作常  
袁詩

可憐雲木蘖，滿禁碧濛濛。色潤靈

一作虛

泉近，陰清輦路

通玉壇標八桂金井識雙桐交映凝寒露相和起夜風  
數枝盤石上幾葉落雲中燕拂宜秋霽蟬鳴覺晝空翠  
屏更隱見珠綴共玲瓏雷雨生成早樵蘇禁令雄野藤  
高助綠仙果迥呈紅惆悵綠垣暮茲山聞暗蛩

小魚詠寄涇州楊侍郎

蓮花影裏暫相離纔出浮萍值罟師上得龍門還失浪  
九江何處是歸期

賊中與嚴越卿曲江看花

紅枝欲折紫枝殷

一作繁

隔水連宮不用攀  
會待長風吹

落盡始能開眼向青山

同暢當詠蒲團

團團錦花結乃是前溪蒲  
擁坐稱儒褐倚眠宜病夫  
唯當學禪寂終老與之俱

焦籬店醉題

時看弄邵翁伯

洛下渠頭百卉新  
滿筵歌笑獨傷春  
何須更弄邵

一作邵

翁伯即我此身如此人

陳翊中丞東齋賦白玉簪

美矣新成太華峰翠蓮枝折葉重重松陰滿澗間飛鶴  
潭影通雲暗上龍漠漠水香風頗馥涓涓乳溜味何濃  
因聲遠報浮丘子不奏登封時不容

新茶詠寄上西川相公二十三舅大夫二十舅

三獻蓬萊始一嘗日調金鼎閱芳香貯之玉合才半餅

寄與阿連

一作誰

題數行

泊楊子江岸

山映

一作影

南徐暮千帆入古

一作吉

津魚驚出浦火月照

渡江人清鏡催雙鬢滄波寄一身空憐莎草色長接故

園春

晚次鄂州

至德中作

雲開遠見漢陽城猶是孤帆一日程估客晝眠知浪靜

舟人夜語覺潮生三湘哀

一作愁

鬢逢秋色萬里歸心對

月明舊業已隨征戰盡更堪江上鼓鼙聲

夜投

一本有終南二字

豐德寺謁海

一作液

上人

一作李端詩

半夜中峰有磬聲偶逢樵者問山名上方月曉聞僧語

一作話

下路

一作界

林疎見客行野鶴巢邊松最老毒龍潛

處水偏清願得遠公知姓字焚香洗鉢過浮生

### 江行次武昌縣

家寄五湖間扁舟往復還年年生白髮處處上青山去  
國空知遠安身竟不閑更悲江畔柳長是北人攀

### 夜泊金陵

圓月出高城蒼蒼照水營江中正吹笛樓上又無更洛

下仍傳箭關西欲進兵誰知五湖外諸將但一作將吏更爭名

渡浙江

前船後船未相及五兩頭平北風急飛沙卷地日色昏  
一半征帆浪花一作潮浪濕



御定全唐詩卷二百七十九

欽定四庫全書薈要卷一萬七千六百八十五

集部

御定全唐詩卷二百八十

盧綸

李端公

一作嚴維詩  
題作送李端

故關衰草遍離別自

一作正

堪悲路出塞雲外人歸暮雪

時少孤為客早

一作慣

多難識君遲掩淚空相向風塵何

處期

秋晚山中別業

樹老野泉清幽人好獨行去閒知路靜歸晚喜山明  
蘭茝通荒井牛羊出古城茂陵秋最冷一作晚誰念一書生

關口逢徐邁

廢寺連荒壘那知見子真關城夜有雪冰渡曉無人酒

裏唯多一作移病山中願作鄰常聞兄弟樂誰肯信一作唯見

謝家貧

山中詠古木

高木已蕭索夜雨復秋風墜葉鳴簌一作荒竹斜根擁斷

蓬半侵山色

一作影

裏長在水聲中此地何人到雲門去

一作間路

亦通

訓李端公

一本無端字

野寺病居見寄

野寺鐘昏

一作昏鐘

山正陰亂藤高竹

一作下

水聲深田夫就

餉還依草野雉驚飛不過林齋沐暫思同靜室清羸已

覺助禪心寂寞日長誰問疾料君惟取古方尋

送少微上人遊蜀

瓶鉢繞禪衣連宵宿翠微樹開巴水遠山曉蜀星稀識

遍中朝貴多諳外學非何當一傳付道侶願知歸

送寧國夏侯丞

楚國青蕪上秋雲似白波五湖長路少九派亂一作斷山

多謝守通詩宴陶公許醉過憮然一作無錢錢離阻年鬢兩

蹉跎

送袁偁

諫獵名空久多因病與貧買書行幾市帶雨別何人客  
路山連水軍州日映塵淒涼一分手俱恨老相親

贈別李紛

頭白乘驢懸布囊一迴言別泪千行  
兒孫滿眼無歸處  
唯到尊前似故鄉

罪一作非所送苗員外上都

謀身當議罪寧遣友朋聞禍近防難及愁長事一作思未

分寂寥驚遠語幽閉望歸雲親戚如相見唯應泣向君

送李校書赴東川幕

泥坂望青城浮雲與棧平字形知國號  
眉勢識山名編

簡塵封閣戈鋌雪照營男兒須聘用莫信筆堪耕

至德中贈內兄劉贊

時難訪親戚相見喜還悲好學年空在從戎事已遲聽  
琴泉落處步履雪深時惆悵多邊信青山共有期

春日灞亭同苗員外寄皇甫侍御

一作庾  
侍郎

坐見春雲暮無因報所思川平人去遠日暖鴈飛遲對  
酒山長在看花鬢自哀誰堪登灞岸還作舊一作  
異鄉悲

送顏推官遊銀夏謁韓大夫

叢篁

一作  
杯

叫寒笛滿眼塞山青才子尊前畫將軍石上

銘獵聲雲外響戰血雨中腥苦樂從來事因君一涕零

咸陽送房濟侍御歸太原幕

吾嘗與濟  
同遊此邑

舊居無舊鄰似見故鄉

一作  
園

春復對別離酒欲成衰老

人客衣頻染汨軍旅亦多塵握手重相勉平生心所因

寶泉寺送李益端公歸邠寧幕

參差巖障東雲日晃龍宮石淨非因雨松涼不爲風戀

泉將鶴並偷果與猿同眼界塵雖染心源蔽

一作  
路

已通



蓮花國何限貝葉字無窮  
早晚登麟閣慈門欲付公

送何召下第後歸蜀

袞斜行客過棧道響危空  
路濕雲初上山明

一作暄

日正

中水程通海貨地利雜吳風  
一別金門遠何人復薦雄

宿定陵寺

寺在陵內

古塔荒臺出禁牆  
磬聲初盡漏聲長  
雲生紫殿幡花濕  
月照青山松柏香  
禪室夜聞風過竹  
真筵朝啓露霑裳  
誰悟威靈同寂滅  
更堪砧杵發昭陽

送彭開府往雲中覲使君兄

一門三代貴非是主恩偏  
破虜山銘在承家劍藝全奪  
旗貂帳側射虎雪林前  
鴈塞逢兄弟雲州發管弦  
凍河光帶日枯草淨無煙  
儒者曾脩一作親武因貽上將篇

送李紉

舊國仍連五將營  
儒衣何處謁公卿  
波翻遠水蒹葭動  
路入寒村機杼鳴  
嵇康書論多歸興  
謝氏家風有學名  
爲問西來雨中客  
空山幾處是前程

送內弟韋宗仁歸信州覲省

常嗟外族弟兄稀，轉覺心孤是送歸。  
醉掩壺觴人有淚，

夢驚波浪日

一作愁穿魂夢月

無輝烹魚綠岸煙浮

一作迷

草摘

一作採

橘青溪露濕衣，聞說江樓長卷幔。  
幾回風起望胡

威

長安疾後首秋夜即事

一作陳羽詩

九重深鎖禁城秋，月過南宮漸映樓。  
紫陌夜深槐露滴，碧空雲盡火星流。  
清風刻漏傳三殿，甲第歌鐘樂五侯。

楚客病來鄉思苦，寂寥燈下不勝愁。

送崔琦赴宣州幕

五馬臨流待幕賓，羨君談笑出風塵。  
身閒就養寧辭遠，世難移家莫厭貧。  
天際曉山三峽路，津頭臘市九江人。  
何處遙知最惆悵，滿湖青草鴈聲春。

送楊皞東歸

登樓掩泣話歸期，楚樹荆雲發遠思。  
日裏揚帆聞戍鼓，舟中酌一作酒見山祠。  
西江風浪何時盡，北客音一作魚

書欲寄誰若說湓城楊司馬知君望國有新詩

至德中途中書事却寄李侗

亂離無處不傷情況復看碑對古城路遶寒山人獨去  
月臨秋水鴈空驚顏哀重喜歸鄉國身賤多慚問姓名  
今日主人還共醉應憐世故一儒生

奉和太常王卿酬中書李舍人中書寓直春夜對月見寄

露如輕雨月如霜不見星河見鴈行虛暈入池波自泛

滿輪當苑桂多香春臺幾望黃龍闕雲路寧分白玉郎  
是夜已歌應金石豈殊螢影對清光

訓包佶郎中覽拙卷後見寄

令伯支離晚讀書豈知詞賦稱相如枉一作狂逢花木無

新思拙就一作伏溪潭一作源損舊居禁路看山歌一作珂自

緩雲司玩月漏應疎一作夜沈憂敢望金門召空媿已

飲並一作問子虛

送史采滑州謁賈僕射

朱門洞啓儼行車金鑄裝囊半是書  
君向東州問徐胤  
羊公何事滅吹魚

送鮑中丞赴太原

分路引鳴騶喧喧似隴頭  
暫移西掖望全解北門憂  
專幕臨都護分一作親曹制督郵  
積冰營不下盛雪獵方休

白草連胡帳黃雲擁戍樓  
今朝送旌旆一減魯儒羞

送耿拾遺漳充括圖書使往江淮

傳令收遺籍諸儒喜餞君  
孔家唯有地禹穴但生雲  
編

簡知還

一作還知

續蟲魚亦自分如逢北山隱一爲謝移文

送郭判官赴振武

黃河九曲流繚繞古邊州鳴鴈飛初夜羌胡正晚秋淒

涼

一作清

金管思迢遞玉人愁七葉推

一作雖

多慶須懷殺

敵憂

春江夕望

洞庭芳草遍楚客莫思歸經難人空老逢春鴈自飛東  
西兄弟遠存沒友朋稀獨立還垂淚天南一布衣



送元昱尉義興

欲成雲海別一夜夢天涯白浪綠江雨青山繞縣花風  
標當劇部冠帶稱儒家去矣謝親愛知予髮已華

送黎兵曹往陝府結親

所昏即君從母女弟

郎馬兩如龍春朝上路逢鴛鴦初集水薜荔欲依松步

帳歌

一作障珂

聲轉妝臺燭影重何言在陰者得是戴侯宗

送樂平苗明府

累職比柴桑清秋入楚鄉一船燈照浪兩岸樹凝霜亭

吏趨寒霧山城斂曙光無辭折腰久仲德在鴛行

晚到盤屋耆老家

老翁曾舊識相引出柴門苦話別時事因尋溪上村數  
年何處客近日幾家存冒雨看禾黍逢人憶子孫亂藤  
穿井口流水到籬根惆悵不堪住空山月又昏

卧病書懷

苦心三十載白首遇艱難舊地成孤客全家賴釣竿貌  
衰緣藥盡起晚爲山寒老病今如此無人更問看

落第後歸終南別業

久爲名所誤春盡始歸山落羽羞言命逢人強破顏交  
疎貧病裏身老是非間不及東溪月漁翁夜往還

送朝邑

一作夏縣

張明

一作少

府

此公善琴

千室暮山西浮雲與樹齊剖辭雲落紙擁吏雪成泥野  
火蘆千頃河田水萬畦不知琴月夜誰得聽烏啼

送李方東歸

即故李校書端親弟

故交三四人聞別共霑巾舉目是陳事滿城無至親身

從喪日病家自儉年貧此去何堪遠遺孤在舊鄰

秋晚霽後野望憶夏侯審

天晴禾黍平暢目亦傷情野店雲日麗孤莊砧杵鳴川  
原唯寂寞歧路自縱橫前後無儔侶此懷誰與呈

送王尊師

一作道士

夢別一仙人霞衣滿鶴身旌幢天路晚

一作遠

桃杏海山

春種玉非求稔燒金不為貧自憐頭白早

一作向白

難一作誰

與葛洪親

送撫州周使君

即侍中之壻

周郎三十餘天子賜魚書龍節隨雲水金鉸動里閭松  
聲三楚遠鄉思百花初若轉弘農守蕭咸事不如

贈別司空曙

有月曾同賞無秋不共悲如何與君別又是菊花時

送王錄事赴任蘇州

即舍人堂弟

古堤迎拜路萬里一帆前潮作澆田雨雲成煮海煙吏  
閒唯重法俗富不憂邊西掖今宵詠還應一作須寄阿連

大梵山寺院奉呈趣上人趙中丞

漸欲

一作散髮

休人事僧房學閉關伴魚浮水上看鶴向林

間寺古秋仍早松深暮更閒月中隨道友夜夜坐空山  
送恒操上人歸江外覲省

依佛不違親高堂與寺鄰問安雙樹曉求膳一僧貧持  
咒過龍廟翻經化海人還同惠休去儒者亦霑巾

上巳日陪齊相公花樓宴

鍾陵暮春月飛觀延羣英晨霞耀中軒滿席羅金瓊持

杯凝遠睇觸物結幽情樹色

一作抄

參差綠湖光潏潏明

禮卑瞻絳帳恩浹厠華纓徒記山陰興被襖

一作念此一作今日

乃為禁

### 寒食

孤客飄飄歲載華況逢寒食倍思家鶯啼遠野多從柳  
人哭荒墳亦有花濁水秦渠通渭急黃埃京洛上原斜  
驅車西近長安好宮觀參差半隱霞

### 舟中寒食

寒食空江曲孤舟渺水前  
鬪雞沙鳥異禁火岸花然  
日霽開愁望波喧警醉眠  
因看數莖鬢倍欲惜芳年

元日早朝呈故省諸公

萬戟凌霜布森森瑞氣間  
垂衣當曉日上壽對南山  
濟濟延多士躑躑舞百蠻  
小臣無事諫空愧伴鳴環

元日朝迴中夜書情寄南宮二故人

鳴珮隨鴈鷺登堦見冕旒  
無能裨聖代何事別滄洲  
閒夜貧還醉浮名老漸羞  
鳳城春欲晚郎吏憶同遊



裴給事宅白牡丹

一作裴濟詩

長安豪貴惜春殘  
爭翫街西

一作賞新開

紫牡丹別有玉盤

承露冷無人起就月中看

送韋判官得雨中山

前峯後嶺碧濛濛  
草擁驚泉樹帶風  
人語馬嘶聽不得  
更堪長路在雲中

送宛丘任少府

帶綬別鄉親  
東爲千里人  
俗訛唯競祭  
地古不留春  
野

戍雲藏火軍城樹擁塵少年何所重才子又清貧

送永陽崔明府

鶴唳蒹葭曉

一作岸

中流見楚城浪清風乍息山白月猶

明廢路開荒木歸人種古營懸聞正訛俗鄙曼更

一作最

知名

割飛二刀子歌

我家有剪刀人云鬼國鐵裁羅裁綺無鈍時用來三年  
一股折南中匠人淳用鋼再令盤屈隨手傷改鍛割飛

二刀子色迎霽雪鋒含霜兩條神物秋水薄刀淬初蟾  
鞘金錯越戟吳鉤不足誇斬犀切玉應懷忤日試曾磨  
漢水邊掌中恬慄聲冷然神驚魄悸却收得刃頭已吐  
微微煙刀乎刀乎何熒熒魑魅須藏怪須懾若非良工  
變爾形只向裁縫委箱篋

送郎士元使君赴郢州

賜衣兼授節行日郢中聞花發登山廟天晴一作清閱水

軍漁商三楚接郡邑九江分高興應難遂元戎有大勲

春詞

北苑羅裙帶塵衢錦繡鞵  
醉眠芳樹下半被落花埋  
清如玉壺冰

玉壺冰始結循吏政初成  
既有虛心鑒還如照膽清  
瑤池慙洞澈金鏡讓澄明  
氣若朝霜動形隨夜月盈  
臨人能不蔽待物本無情  
怯對圓光裏妍蚩自此呈  
一作生

山店 一作王建詩

登登山路行時盡  
決決溪泉到處聞  
風動葉聲山犬吠


一一作幾  
家松火隔秋雲

卷二百八十

御定全唐詩卷二百八十

謹案卷二百七十七第十四頁前三行送張郎中  
還蜀歌按別本郎中作侍郎





總校官庶吉士 臣 張能照

校對官中書 臣 張 埏

謄錄監生 臣 周嘉猷



欽定四庫全書薈要

集部

御定全唐詩卷二百八十一至  
四

臣紀昀詳校

詳校官候補通政司經歷臣郭祚臧

欽定四庫全書蒼要卷一萬七千六百八十六

集部

御定全唐詩卷二百八十一

崔琮

登大歷二年進士第詩一首

長至上公獻壽

應律三陽首朝天萬國同斗邊看子月臺上候祥風五

夜鐘初動

一作曉

千門日正融玉階文物盛仙仗武貔雄

率舞皆羣辟稱觴即上公南山爲聖壽長對未央宮



李竦

李竦大歷二年登進士第官戶部尚書鄧岳觀察使詩

一首

長至日上公獻壽

候曉金門闕乘時玉

一作寶

歷長羽儀瞻上宰雲物麗初

陽漢禮方傳珮堯年正捧觴日行臨觀闕帝錫洽珪璋  
盛美超三代洪休降百祥自憐朝未坐空此詠無疆

張惟儉

張惟儉宣城當塗人大歷六年進士第官和州刺史詩  
一首

賦得西戎獻白玉環

當時無外守方物四夷通列土金河北朝天玉塞東自  
將荆璞比不與鄭環同正朔雖傳漢衣冠尚帶戎韋承  
提佩寵多媿琢磨功絕域知文教爭趨上國風

章八元

章八元睦州桐廬人登大歷六年進士第貞元中調句

容主簿卒詩一卷今存六首

新安江行

江源南去

一作出

永野渡暫維梢古戍懸魚網空林露鳥

巢雪晴山脊見沙淺浪痕交自笑無媒者逢人作

一作即

解嘲

酬劉員外月下見寄

夜涼河漢白卷箔出南軒過月鴻爭遠辭枝葉暗翻獨

一作高謠聞麗曲緩步接清言宣室思前席行看拜主恩

寄都官劉員外

舊宅平津邸槐陰接漢宮鳴騶馳道上寒日

一作見月

直廬

中白雪歌偏麗青雲宦早通悠然

一作悠

一縫掖千里限

一作快清風

題慈恩寺塔

十層突兀在虛空四十門開面面風却怪鳥飛平地上  
自驚人語半天中迴梯暗踏如穿洞絕頂初攀似出籠  
落日鳳城佳氣合滿城春樹雨濛濛

歸桐廬舊居寄嚴長史

昨辭夫子擢歸舟家在桐廬憶舊丘三月暖時花競發  
兩溪分處水爭流近聞江老傳鄉語遙見家山減旅愁  
或在醉中逢夜雪懷賢應向剡川遊

天台道中示同行

八重巖峯疊晴空九色煙霞遶洞宮仙道多因迷路得  
莫將心事問樵翁

張苔

張莒長山人登大歷九年進士第大中時官吏部員外  
郎詩一首

元日望含元殿御扇開合

大歷十三年吏部試

萬國來朝

一作初

歲千年

一作秋

覲

一作覲

聖君輦迎仙仗出

扇匝御香焚俯對朝容近先知曙色分冕旒開處見鐘  
磬合時聞影動承朝日花攢似慶雲蒲葵那可比徒用  
隔炎氛

史延



史延登大歷九年進士第詩一首

清明日賜百僚新火

上苑連侯第清明及暮春九天初改火萬井屬良辰  
賜恩逾洽承時慶自一作亦均翠煙和柳嫩紅焰出花新

寵命尊三老祥光燭萬人太平當此日空復荷陶甄一作鈞

韓濟

韓濟江東人大歷九年進士及第詩一首

清明日賜百僚新火

朱一作玉

騎傳紅燭天厨賜近臣火隨黃道見煙遶白榆

新榮耀分他日

一作室

恩光共此辰更調金鼎膳還暖玉

堂人灼灼千門曉輝輝萬井春應憐螢聚夜

一作者

瞻望

及東

一作獨無隣

鄭轅

鄭轅大歷九年進士詩一首

清明日賜百僚新火

改火清明後優恩賜近臣漏殘丹禁晚燧發白榆新瑞  
彩來雙闕神光煥四隣氣回侯第暖煙散帝城春利用  
調羹鼎餘輝燭綰紳皇明如照隱願及聚螢人

王濯

王濯大歷九年進士第詩一首

清明日賜百僚新火

御火傳香殿華光及侍臣星流中使馬燭耀九衢人轉  
傳一作影連金屋分輝麗錦茵燭迎紅蘂發煙染綠條春

助律和風早添爐煖氣新誰憐一寒士猶望照東隣

獨孤綬

獨孤綬大歷十年登進士第舉博學宏詞嘗試馴象賦  
德宗稱之特書第三詩一首

投珠於泉

至道歸淳樸明珠被棄捐天真來照乘成性却沈泉不  
是靈蛇吐非緣一作猶疑合浦還岸旁隨月落波底共星懸  
致遠終無脛懷貪遂息肩欲知恭儉德所寶在惟賢

仲子陵

仲子陵峨眉人大歷中登第歷官常侍詩一首

秦鏡

萬古

一作里

秦時鏡從來抱至精依臺月自吐在匣水常

清爛爛金光發澄澄物象生雲天皆洞鑒表裏盡虛明  
但見人窺膽全勝響應聲妍媸定可識何處更逃情

張佐

張佐大歷中進士詩二首

秦鏡

樓上秦時鏡千秋獨有名菱花寒不落水質夏長清  
龍在形難掩人來膽易呈昇臺宜遠照開匣乍藏明  
皎色新磨出圓規舊鑄成愁容如可鑒當欲拂塵纓

憶遊天台寄道流

見衆妙集

憶昨天台到赤城幾朝仙籟耳中生雲龍出水風聲急  
海鶴鳴聳日色清石笋半山移步險桂花當澗拂衣輕  
今來盡是人間夢劉阮茫茫何處行

丁澤

丁澤大歷十年試東都第一詩三首

龜負圖

東都試

天意將垂象神龜出負圖  
五方行有配八卦義寧孤  
作瑞旌君德披文叶帝謨  
乘流喜得路逢聖幸存軀  
蓮葉池通泛桃花水自浮  
還尋九江去安肯曳泥途

上元日夢王母獻白玉環

夢中朝上日闕下拜天顏  
彷彿瞻王母分明獻玉環  
靈

姿趨甲帳悟道契玄關似見霜姿白如看月彩彎霓裳  
歸物外鳳歷曉人寰仙聖非相遠昭昭寤寐間

良田無晚歲

人功雖未及地力信非常不任耕耘早偏宜黍稷良無  
年皆有獲後種亦先芳膴膴盈千畝青青保萬箱何須  
祭田祖詎要察農祥況是春三月和風日又長

閩濟美

閩濟美大歷十年進士第元和初刺華州貞元末歷福



建觀察使終工部尚書詩二首

下第獻座主張謂

謬王臣直文明雅量全望爐金自躍應物鏡何偏南  
國幽沈盡東堂禮樂宣轉令遊藝士更惜至公年芳樹  
歡新景青雲泣暮天唯愁鳳池拜孤賤更誰憐

天津橋望洛城殘雪

新霽洛城端千家積雪寒未收清禁色偏向上陽殘

張少博

張少博大歷進士詩二首

尚書郎上直聞春漏

建禮含香處重城待漏辰徐聲傳鳳闕曉唱辨雞人銀  
箭聽將盡銅壺滴更新催籌當五夜移刻及三春杳杳  
從天遠泠泠出禁頻直廬殘響曙肅穆對鈞陳

雪後觀象闕待漏

殘雪初晴後鳴珂奉闕庭九門傳曉漏五夜候晨扃北  
斗橫斜漢東方落曙星煙氛初動色簾珮未分形雪重

猶垂白山遙不辨青雞人更唱處偏入此時聽

周徹

周徹大歷進士詩一首

尚書郎上直聞春漏

建禮通華省含香直紫宸靜聞銅史漏暗識桂宮春滴  
瀝疑將絕清冷發更新寒聲臨鴈沼疎韻應雞人迥入  
千門徹行催五夜頻高臺閒自聽非是駐征輪

高拯

高拯大歷十三年進士第詩一首

及第後贈試官

公子求賢未識真欲將毛遂比常倫當時不及三千客  
今日何如十九人

王表

王表大歷十四年登進士第官至秘書少監詩三首

賦得花發上林

大歷十四年  
侍郎潘炎試

御苑

一作  
上院

春何早繁花已繡

一作  
滿

林笑迎明主仗香拂

美人簪地接樓臺近天垂雨露深晴光來戲蝶夕景動  
棲禽欲托凌雲勢先開捧日心方知桃李樹從此別  
一作必成陰

清明日登城春望寄大夫使君

春城閒望愛晴天何處風光不眼前寒食花開千樹雪  
清明日出萬家煙興來促席唯同舍醉後狂歌盡少年  
聞說鶯啼却惆悵詩成不見謝臨川

成德樂

趙女乘春上畫樓一聲歌發滿城秋無端更唱關山曲  
不是征人亦淚流

獨孤授

獨孤授大歷十四年登第詩一首

花發上林

上苑韶容早芳菲正吐花無言向春日閒笑任年華潤  
色籠輕靄晴光艷晚霞影連千戶竹香散萬人家幸遶  
樓臺近仍懷雨露賒願君垂採摘不使落風沙

王儲

王儲大歷十四年登第詩一首

賦得花發上林

東陸和風至先開上苑花  
穠枝藏宿鳥香藥拂行車  
散白憐晴日舒紅愛晚霞  
桃間留御馬梅處入胡笳  
城郭連增媚樓臺映轉華  
豈同幽谷草春至發猶賒

周渭

周渭大歷十四年登第詩二首

賦得花發上林

灼灼花凝雪春來發上林  
向風初散蘂垂葉欲成陰  
人過香隨遠煙晴色自深  
淨時空結霧踈處未藏禽  
葦茸何年植間關幾日吟  
一枝如可冀不負折芳心

贈龍興觀主吳崇岳

楮爲冠子布爲裳  
吞得丹霞壽最長  
混俗性靈常樂道  
出塵風格早休糧  
枕中經妙誰傳與  
肘後方新自寫將  
百尺松梢幾飛步  
鶴棲板上禮虛皇



御定全唐詩卷二百八十一